

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

集部
第二二五冊

責任編輯：孫言誠 賀 偉

ISBN 7-5333-0615-5



EB46/11

四庫全書存目叢書·集部二二五

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092毫米 16開本 47.75印張

1997年7月第1版 1997年7月第1次印刷

印數1—100

ISBN 7-5333-0615-5

Z·60 集部定價：127800圓

集部第二二五冊目次

集部·別集類

南沙文集八卷

〔清〕洪若皋撰
南京圖書館藏清康熙刻本

一

緜津山人詩集二十九卷 楓香詞一卷 附緯蕭草堂詩三卷

〔清〕宋肇撰 附 〔清〕宋至撰
中央民族大學圖書館藏清康熙刻本

四三九

漁洋山人精華錄訓纂十卷 總目二卷 年譜註補二卷 金氏精華錄箋註辨訛一卷
訓纂補十卷 首一卷(一)

〔清〕惠棟撰
湖北省圖書館清華大學圖書館藏清惠氏紅豆齋刻本

六八五

南沙文集八卷

〔清〕洪若皋撰

南京圖書館藏清康熙刻本

附《四庫全書總目·南沙文集

八卷附錄一卷》提要

序

予昔在京師乙未榜放
後競傳臨海洪虞鄰先生
制菰鷄林爲之紙貴予先
訪先生於旅次辱見報兩
序一
不值承示所爲櫪鳴草讀
之其文皆穿心出脅不肯
在聖賢字句上作解知未
易才也及予出視學山左
辛丑有湖西之行道金陵

遊雨花臺登方正學祠堂
愕然驚曰誰從荒烟蔓草
中聿新厥廟象者讀其碑
則戶部尙書郎洪公所自
爲筆也予低徊久之思先

序一

生來權西新而實先爲此
亟行誼若此豈僅以文章
重哉旣予自丁未里居以
來日求四方名賢纂述以
娛永日友人有挾文選越

裁一編示予曰昭明爲此
書千二百年矣繁重莫舉
昔人所難乃有爲之刪蕪
歸雅棄取當而批評闢前
此所未發其有功於昭明

序二

不淺予視之則又先生所
訂書也因慨二十年結慕
之殷而憾不獲一晤今年
秋楚黃高尙孚使君官台
守晉溫麻副憲約予遊台

蕩過臨海先生儼然造焉
一見把握慤慤傾蓋之間
抒肝瀝膽予亦罄吐生平
嗣高使君屬予作保壽寺
碑無從稽考顛末台城當

序四

屯兵十餘萬軍人類蒐士
君子家藏書拆毀編緝以
裏甲鎧寇退後閭里無片
紙之遺先生所居東壁樓
牙籤萬軸積架盈床皆從

變亂中潛運至杭越而復
旋歸者予因留宿旬餘晨
夕相與繙閱古典講論近
今詩文日覩聞所未有旣
而出所著南沙文集向予

序五

言曰吾集昔刻於金陵贈
之序者不鮮然皆自爲序
文而非序吾文予槩不敢
載今藉先生一言務論定
吾文之得失予感其言重

以二十年願見之忱一旦
得快讀全集因爲之循省
再四不勝觀止之嘆夫賦
難言矣楊子雲稱讀千賦
能爲之大都貴其博也然

序六

使手腕不靈能不從人間
來耶今諸賦綺麗奧衍宏
中肆外漢以後所未有也
若樂府自魏武以後寢失
其初先生方輯源流彙書

詳辨聲義爲世指迷茲所
載皆其返始要歸非同擬
作家捕形掠影者所爲五
言古妙旨新聲絡繹來會
知其取精於三謝庾鮑者

序七

宏多歌行佚宕歸於典雅
近體和平深以愷摯咸稱
當家吾無間然至其古文
傳記序畧碑銘諸作摛詞
叙事皆援經據史而秀色

天然豁人心目與夫黨枯
守殘之倫假貌大家讀之
令人氣盡者迥不相侔而
論辨之篇更識見精透宏
議刻深入古人心髓而爲

序八

之言咸非人所經道者昔
歐陽公讀四庫書目嘆作
之者衆而傳者寡茲集其
必傳也無疑且凡文章經
濟均屬天才而經濟更不

可學而至今覽其條議治
畧規爲措注具康濟之才
正堪出以有爲予亦奉裁
需次間於志似不能恣然
先生年方踰強仕輒淹留

序九

叢桂有終焉之心其居鄉
跡不蹈公庭窮年閉戶著
書高使君爲予備言之方
屬脩台州府志臨海縣志
先生復有

國朝詩文彙選之舉其制
作殆未有艾也茲特就予
所見者言之又烏能測其
涯涘哉予因高使君雁蕩
之約將行矣爰倚輶而綴
之

序十

康熙丁巳仲秋宛陵年家
眷弟施閏章拜題於赤
城之古經堂



序

文爲氣之所至有不可一
世之氣而後有不可一世
之文蓋以其養之有素卓
然自命不爲寵辱是非所

林序一

搖奪因得嬋畢生之力與
古爲徒及取於心而應於
手一種不可遏抑之氣覺
置身於一世之上俯仰千
百年間有不必斤斤於頃

迹以故文如其人爲必傳
之業非從外得也臨海洪
虞隣先生早歲以魏科歷
任吾閩監司曾視臬篆嚴
氣正性如岳立不可撼迄

林序二

今士民猶能傳道之未及
中身卽超然有南村洛下
之志窮年著述爲海內誦
法者數十年如一日余向
讀先生制藝且稔聞其治

化心折日久迨寓武林欣
挹光霽雖累歲抱病以晝
接之勞爲戒但每與先生
促席則窮日而不知倦因
得受先生所著南沙文集

林序三

而卒業焉余反覆玩味竊
見其無體不備無格不創
取材極博造語必精古奧
幽竒陸離變幻而抽思寄
意都不從人間來欲求其

一語摹倣爲漢魏唐宋優
孟則絕不可得非具有不
可一世之氣安能爲此不
可一世之文於以布之海
內傳之無窮有必然者余

林序四

性癡拙自好雖於當世名
人靡不與交然其中或有
以勢利相傾依阿取容賤
態則避之惟恐不及故有
斥余爲迂悲余爲執訕余

爲怪妄而先生獨能諒余
交久彌篤古今知己亦皆
從不可一世中求之茲以
文集屬序余又烏能已於
言乎夫文以人重古今揀

林序五

觚家不可數計而得傳者
必其特立獨行之士苟其
人不足稱卽幸而有文可
傳取而讀者第見其言行
相違奄奄氣盡勢必廢卷

而唾之反不如不傳之爲
愈也請觀斯世尚復有如
先生其人者乎海內之士
或有舉先生之文爲問者
余當正告之曰且讀盡先

林序六

生之書養成先生之氣然
後再讀先生之文

康熙甲戌夏季四日舊治
年家敎弟林雲銘頓首拜

撰



凡例

宣城易士著觀賓
受業 江寧盛 庸紀美 全輯

一先生集庚子刻於金陵時先輩陳無盟黃石公暨
杜覺卷果五一朱霜劬白仲調康小范蓼伊人陳
伯璣倪閣公等序文十餘篇丁巳再刻於武林諸
序悉不載止載施愚山先生一序愚山嘗向士著
言予在赤城與先生周旋久既而出所著南沙集
命予序予因高尙乎使君約游雁蕩明發將行連

南沙文集

凡例

宵秉燭爲之序成不副先生意因後高公兩日行
編閱其全集重爲之序且曰予序人文集多矣若
於洪先生真可信無愧也是愚山先生於先生之
序慎重如此今士著輩承先生命爲之編次全集
詎敢僭綴一言謹輯凡例二十四則聊以効筆墨
之役焉耳

一先生全集詩文無體不備今人文集或有先古文
而後詩賦者亦有先詩而後古文者若賦則無定
次序攷昭明文選及唐人詩集類以賦爲先茲集

先賦而樂府而詩而古文從古也

一舊刻詩有寒梅軒輶軒寄言癸丑北上自審閱閣中雜咏避地偶吟諸什今並裁去各名色爲之分門彙編俾覽者知先生之於詩精力全注才識並融諸體各有身分非同率爾

一舊刻多錄諸名公批評丁巳重刻際不載今因之至先輩從僕刻集止錄本文先生志存復古不令標句士著輩併加罔然以便讀者不致妄加評議

一先生詩文原本六經博綜百氏無一語假借無一

南涉文集

凡例

二

字杜撰其古文句法字法簡畧處而意思實包舉深長或新詞麗句叢集處盡欲舒其氣壯其色皆一意之所引伸也讀者自知士著輩擬將全集疏解恐卷帙繁多難於梓行止註五賦餘則闕

一賦者敷陳其事而直言之也先生嘗云學者作賦當以漢爲法子盧上林長楊兩都二京設實主之詞其體始於七發實借此爲敷陳之地其詞貴與衍宏深要不失三百篇聲調建安詞不及漢而聲韻不失晉以下惟太冲三都賦遺風餘則不及

也至齊梁來尚尙潤亮而氣體不及漢遠甚若宋之秋聲赤壁漸入序體記體法愈變而氣愈薄賦屬千古定論先生樂中諸賦拙詞救藻義類沿傳純乎漢體非近時言賦家可比

一樂府總三百篇而作漢武帝採趙代秦楚之歌詠復使司馬相如輩作爲詩賦合之律呂用以登歌古題九百有餘其詞有川長短韻者如鳥生孤兒之類是也有用五言古詩體者如鷄鳴陌上桑之類是也亦有用三四言六七言者體格不同總以

南涉文集

凡例

三

詞義與古爲主一題各有一義一義各有一聲自哀帝罷樂府至漢末古詞多散亡其題猶存曹操平劉表得漢雅樂郎杜夔習樂府正聲故魏登歌樂章曹氏父子取古題自爲擬補但合古題之聲不復用其義如今度曲但用曲于名而已六朝相沿襲作有義與古題合者有渺不相涉者唐人因古詞不合多自造樂府新題今人不解其故擬樂府家但以文字險仄不可句讀詞與題相背不可解說爲真樂府設屬說夢先生獨扶本原輯樂府

源流策書二十卷行世復自著樂府六十餘首爲世模倣其題下俱自注某部第幾曲詞義悉遵古題後有作者庶可以知所依歸矣

一先生五言古詩多取材於選嘗曰五言古十九首尙矣學者入手須從謝靈運其繁淨精微麗情密藻寓日輒書後來李杜皆得力於此若蘓李陶淵明止可一不可再不可學而至也至陸平原昭明文選錄其詩五十二首原從名起見予文選越載止留二首其詩見在有目者共觀彼之文賦曰詩

南涉文集

卷八

四

緣情而綺靡固可知其作詩之本領矣觀先生此言知先生五言古實淵源康樂

一今人動稱體格先生詩文咸直舉胸臆不爲近習所拘嘗極辨何仲然古詩之法亡於謝古文之法亡於韓二語非是以爲彼稱陸詩語俳而體不俳謝詩則體語皆俳體不俳者謂意少體俳者謂意多也夫三百篇類每章一意各風六章六意七月八章八意和九章九意節南山卷阿皆十章十意柳十二章十二意正月十三章十三意桑采十六

詩之法不亡於謝也又昌黎陳言務去其奇祖易其浮誇祖左氏其佶屈整牙祖股盤周語彼進聖解已自逗露矣若以爲篇法章法不合規矩史記伯夷荀卿孟子列傳以論爲傳王褒四子講德以記爲論孔稚圭北山移文以賦爲文任昉王文憲集以傳爲序又宋玉招魂垂下一百十箇語詞鄒陽獄中上書連用五十七箇古人如此類者不可勝紀少所見則多所怪以是知古文之法不亡於

南涉文集

卷八

五

韓也又嘗言詩文無所謂法通乎情之謂法合乎理之謂法學者讀書必宗孔子孔子之論詩也曰可以興可以觀可以羣可以怨而總之曰思無邪夫興觀羣怨則情得無邪則理得作詩之法莫備於此矣孔子之論爲命也曰草創之討論之脩飾之潤色之又曰辭達而已矣夫草創則意定討論則文典脩飾則無滲漏潤色則不枯寂至於辭達則詞直順暢如是則情理皆得作文之法亦備於此矣知先生此論然後可讀先生詩文

一尺牘庚子丁巳二刻俱未載今約錄三十什首先
生生平抱錄并所歷人情世故畢見非僅矜詞致
翩翩已也

一先生素不作詞以爲習宋元柔曼之聲易傷漢魏
蒼勁之氣卽兼才者各擅其長然華力暗爲所移
殊不自知故凡偶有所作存稿悉令刪去不載

一先生不肯爲人作集序在金陵時曾刻刻笑簡言
不便作不敢作不當作之故人有以集來請者輒
擲一幅辭而謝之凡集中所載皆先生極不得已

南沙文集 凡例

六

之作

一凡徵選詩文者先生棄不應以爲詩賦古文將以
垂遠與時藝不同今人彼此互相徵選非選詩文
也且我之詩文未必藉選以傳有投微啓者先生
輒付之祝融氏此士著輩所目擊

一先生集限八卷每卷百餘篇其墓誌銘表及弔祭
文因什繁俱不及悉載又集不連幅箴銘贊頌短
章對於茲世悉遵先生命垂爲裁削

一舊刻有八念書况談觀志先正格言圖說諸書亦

因卷帙繁多樂遵刪去止錄雜著數種

一時集有序有引有跋言先生文選越裁每篇總評
數十百語挾奧剖微刻入古人心髓閱前人所未

發士著輩振摘三十則彙入跋言一門裨益海內
先生亦恐卷繁且以已經傳世不必再梓因未錄

一文集附時藝迄今罕有先生時文如古文檉鳴草
久膾炙人口今併經藝鄉會墨另爲附卷之一

一年譜編輯未竣當續入附卷之二

一古人論叙詩文兼及行誼士著輩習知先生生平

南沙文集 凡例

七

敢不畧爲臚列先生纔弱冠卽登賢書成進士初

授戶曹未踰旬奉督通州草廩司乘田之政入旗

牧子園兒較量芻茭朝夕靡遑兼檢潞河居庸及

近京各隘口稅務率車牛服奇贏者悉投充旗下

課額難完居庸離通遠輟長莫及兼以奸宄之

徒多聚京通間宵小成羣把持衙門粘黃貼榜歷

任者咸以被訐免官先生廉以持身嚴以服物所

至肅然長威懷德之不遑讀集中答雷潛虛一書

知先生睿智觀時先幾馭事苦心非徒然也

一先生庚子權關金陵兼管倉儲供應駐防將軍入
旗月精當鄭逆入寇之後商販幾足兵糧告匱前
官以虧額候師獲諸先生從容理之九門稅單悉
令商人親填五司大使不得高下其手一應收放
糧料本色出入吏胥獎無所施既而課足而商不
虧糧盈而軍不擾先生日以四千書及詩賦古文
詞命題課士所刻江南采風集於式後進又方正
學祠久圯捐貲七白金重建彙徵諸生祠文梓行
於世復不時捐貲賑濟貧士回部日官橐蕭然

南沙文集

凡例

入

一先生具康濟盤錯之才常歷郎署資滿側咨銓部
推聖適奉 旨選選坐糧廳大司農廉先生能題
請加銜留差內轉先生念 兩尊人年高異外任
便省固辭因陞福寧僉憲仕閩五載在署僅八閱
月凡兩司缺員及省會公事兩臺極委先生兼理
最難者閩當用兵之時臬司事未有限期重情大
案自順治初年積至六百餘件囚犯滿獄証在死
亡得難審結既而立有部限前官一歲內稅職二
十有二次攝篆者纔兩閱月鑄四級去先生署理

一年積案皆清曾不聞奪俸一月糧道供應端南
王及通省軍糧前官告病兩年部覆未允積欠薄
下米價一十八萬餘兩水陸提鎮各營缺支米一
十七萬石倉無粒儲是時海寇方張更值年歲凶
歉米價騰湧軍心惶惶先生署事之初晝夜焦勞
兩鬢初生白髮滿漢兵語諸百端殫力支持那借
追役躬親勸比不數月倉庾漸有盈糧復備陳時
艱詳請兩臺入 告補撥餉餉遣員赴江浙二省
守催解回半載之間藩項悉清各鎮營歷年兵糧

南沙文集

凡例

九

完給軍士感悅海澄雲霄將士刻石頌德讀先生
集中諸吏履歷經世弘猷真環至而立效者也
一丁未奉裁監司先生年纔踰強仕連丁內外數邸
絕意仕進閉戶著書手不釋卷五公十年皆勿各
授一經朝夕督課寓公杭越間一十三載居鄉足
跡不履公門官梓里者久或五六年從未得先生
爲八關說隻字至遇地方有不平事或良善被虧
輒爲侃侃直言不俟其人之來告也當甲寅寇變
後閭里荒殘向當道請命殫心三載得免錢糧